

**Bosna i Hercegovina
Parlamentarna skupština
Bosne i Hercegovine
Dom naroda
Ustavno-pravna komisija**

Broj: 02/1-011-291/01
Sarajevo: 29.05.2001.godine.

Z A P I S N I K
**sa četvrte Radne sjednice Ustavno-pravne komisije Doma naroda Parlamentarne
skupštine Bosne i Hercegovine, održane 29.05.2001.godine.**

Sjednica je počela sa radom u 10:00 sati.

Sjednici su prisustvovali članovi komisije: Ibrahim Spahić, Šefik Džaferović, Ivo Živković, Niko Sušac, Dragutin Rodić i Nikola Špirić.

Pored članova komisije sjednici je prisustvovao: Sead Hodžić - pomoćnik ministra u ministarstvu civilnih poslova i komunikacija BiH i Mladen Pandurević – savjetnik zamjenika predsjedavajućeg Doma naroda.

Sjednicom je predsjedavao do izbora predsjedavajućeg, drugi zamjenik predsjedavajućeg Ustavno-pravne komisije Doma naroda Parlamentarne skupštine BiH Dragutin Rodić.

Za sjednicu je predložen i usvojen sljedeći

D N E V N I R E D :

1. Usvajanje Zapisnika sa treće Radne sjednice Ustavno-pravne komisije Doma naroda;
2. Izbor predsjedavajućeg Ustavno-pravne komisije Doma naroda Parlamentarne skupštine BiH;
3. Nacrt Izbornog zakona BiH (predlagač Vijeće ministara BiH)
4. Prijedlog Izbornog zakona BiH (predlagač delegat Nikola Špirić)
5. Tekuća pitanja.

Ad.1. Usvajanje Zapisnika sa treće Radne sjednice Ustavno-pravne komisije Doma naroda.

Zapisnik sa treće radne sjednice Ustavno-pravne komisije Doma naroda Parlamentarne skupštine BiH jednoglasno je usvojen.

Ad.2. Izbor predsjedavajućeg Ustavno-pravne komisije Doma naroda Parlamentarne skupštine BiH.

U raspravi o ovoj tački dnevnog reda učestvovali su Dragutin Rodić, Šefik Džaferović i Nikola Špirić. Za predsjedavajućeg je predložen Ibrahim Spahić, i sa pet glasova Za i jednim Suzdržanim glasom, Ibrahim Spahić je izabran za predsjedavajućeg Ustavno-pravne komisije Doma naroda Parlamentarne skupštine BiH i preuzeo vođenje sjednice.

Ad.3. Nacrt Izbornog zakona BiH (predlagač Vijeće ministara BiH)

U raspravi o ovoj tački dnevnog reda komisija je raspravljala o usklađenosti teksta zakona sa Ustavom BiH kao i da li je zakon podnešen od ovlaštenog predlagača i donijela jednoglasno zaključak da je tekst zakona u skladu sa Ustavom BiH i da je podnešen od strane ovlaštenog predlagača.

Ad.4. Prijedlog Izbornog zakona BiH (predlagač delegat Nikola Špirić)

U raspravi o ovoj tački dnevnog reda učestvovali su svi prisutni članovi komisije. Komisija je zaključila sa pet glasova Za i jednim Suzdržanim glasom, da je tekst zakona podnešen od ovlaštenog predlagača i da je u skladu sa Ustavom BiH.

Ad.5. Tekuća pitanja

Komisija je zaključila da se materijali koji stignu za vrijeme sjednice ne raspravljaju na toj sjednici već kao tačka dnevnog reda na sljedećoj sjednici komisije. Tako da je prijedlog zaključka o vođenju javne rasprave na amandmane na Ustav BiH, Informacija o Kotorском i amandmani gospodina Tokića na Izborni zakon BiH čiji je predlagač Vijeće ministara BiH odgađaju se za jednu od narednih sjednica. Predsjedavajući komisije je obavjestio članove komisije da će u skladu sa poslovničkom procedurom za sve materijale koji se budu ticali prisustva eksperata, medija i građana, oni biti i pozvani na sjednicu Ustavno-pravne komisije Doma naroda Parlamentarne skupštine BiH.

Sjednica je završila sa radom u 11:30 sati

Sekretar
Ustavno-pravne komisije
Aljoša Čampara s.r.



Predsjedavajući
Ustavno-pravne komisije
Ibrahim Spahić s.r.